

ՊԱՅԻՒՆԱԿԱՆ ՏԵՐԻՆՆԵՐՆ ԱՐԵՎՄՏՅԱՆ ՀԱՅԱՍՏԱՆՈՒՄ
(XIX դար—XX դարի սկիզբ)

Պատմ գիտ. դոկտոր Ա. Ս. ՀԱՄԱՐՍՅԱՆ

XIX դարում և XX դարի սկզբին Արևմտյան Հայաստանում գործածված ուսյիլական տերմինները մենք հավաքել ենք երկար տարիների ընթացքում՝ ամենատարբեր աղբյուրներից: Թերևս մեզ չի հաջողվել գտնել բոլոր, բայց այն, ինչ հրատարակում ենք այժմ, առիթ կտա մասնագետներին շարունակելու որոնումները, լրացնելու բացերը և ամբողջացնելու եղանակը: Ինչ խնդիրը կլուծվի պատմաբանների, լեզվաբանների և այլ մասնագետների լրացանուր ուժերով: Օգտագործել ենք մի շարք մասնագետների ուսումնասիրությունները¹ (հիշատակելով, երբեմն նաև տեղի սղոթյան պատճառով չհիշատակելով դրանք), իսկ սոցիալական տերմինների լեզվական պատկանելությունը որոշել ենք հիմնականում թուրքերեն-ռուսերեն բառարանի օգնությամբ²: Այն, ինչ չի հիշատակվում այդ և այլ բառարաններում, բաց ենք թողել:

Աղա-պարոկ.-տեր, մեծ, պետ, ղեկավար: Այդ տիտղոսը Արևելքի մի շարք երկրներում գործածվում էր պալատական, զինվորական և այլ պաշտոնյաների ու զանազան ունեւորների նկատմամբ:

Աղլամ ռեսմի-արաբ.—հարկ ոչխարի ու այծի համար:

Աղուրխն.—հավանական է աղայություն բառից, որը «Մշակի» թղթակցի վկայությամբ «մի տեսակ գլխահարկ էր»: Այն ասասունցի հուղացին տարտավոր էր վճարել իր գլխի տիրոջը. «Դու իմ հայս ես» — ասում է քույրը և պահանջում հարկը: Ապա նա շարունակում է. «Քյուրդ բեկերը ույն սուտիճան ապահով տեր են համարում իրանց իրավունքներին, որ իրանց այդ իրավունքները՝ թե բեշ լինի և թե աղուրխն, ծախում են միմյանց վրա»³:

Ալաճ-արաբ.—բառացի «աչքեր», նոր թուրքերենում՝ «ծերակուտական»: Այսինքն ժառանգական հողատերեր, պաշտոնյաներ, հարկերի խոշոր կասյալառուներ, մեծազումար առևտրականներ ու վաշխառուներ էին: Նրանք բնակվում էին ինչպես քաղաքներում, այնպես էլ գյուղերում՝ սեփական կալվածքներում: Այսինքն դառնում էին սուլթանական դիվանի անդամ և արքունիքում ձևով բերում «տյան» տիտղոս, երբ ընտրվում էին հասարակության, իսկ երբեմն էլ հշանակվում բեյլերբեյերի կողմից: Նրանք վերահսկում էին լեյլերբեյերին, սանջակբեյերին և այլ պաշտոնյաներին հարկերի վաշխման, ծախսման և այլ գործերում: Այսինքն կարող էին բողոքել օս-

¹ Տե՛ս Թուրական աղբյուրները Հայաստանի, հայերի և Անդրկովկասի մյուս ժողովուրդների մասին, կազմեա Ա. Խ. Սաֆրաստյան. հ. Ա, Երևան, 1961, հ. Բ, Երևան, 1964: Թուրական աղբյուրներ, Թարգմանություն բնագրից Ա. Խ. Սաֆրաստյանի և Գ. Հ. Սանթրոջյանի. հ. Գ, Երևան, 1972: Օսմանյան օրենքները Արևմտյան Հայաստանում (XVI—XVII դդ. կառուցման), Թարգմանություն, աղաչարանը և ծանոթագրությունները Ա. Խ. Սաֆրաստյանի և Ի. Կ. Զուլպյանի. Երևան, 1964: Аграрный строй Османской империи XV—XVII вв., документы и материалы. Составление, перевод и комментарии А. С. Твиритишовой. М., 1963; М. Т. Поджоян. Реформы 20—30-х гг. XIX в. в Османской империи. Ереван, 1984; Ф. III Ибраһимов. Государственный строй и правовая система Турции и период Танзимата. Баку, 1967.

² Տե՛ս Турецко-русский словарь, составил Д. А. Магазаник. М., 1946.

³ «Մշակ», 24 հունվարի 1895:

մանյան պաշտոնյաների շարաշահումների դեմ կենտրոնական կառավարությանը, որը հաշվի էր առնում նրանց բողոքները: Օգտագործելով իրենց հարստությունն ու ազդեցությունը՝ այսպիսի ժամանակի ընթացքում դարձան օսմանյան բարձրաստիճան պաշտոնյաների գործակալներ: «Այսին» տիտղոսը և այսպիսիները կյանք են մտել XVI դարում և վերացել XIX դարում՝ թանգիմաթի ժամանակաշրջանում⁴:

Անգալիյա կամ անգալիյե-հուն.—կոռ, աշխատավճար: Օսմանյան կառավարությունը իրավապես այն վերացրեց թանգիմաթի տարիներին, սակայն Արևմտյան Հայաստանում աղաների ու բեյերի կողմից հետագա ժամանակաշրջանում շարունակվում էր գործադրվել գյուղացիների նկատմամբ:

Ալաա-արաբ.—(հոգնակի) կամ Բալաա (եզակի)—տասանորդ՝ գանձվում էր ինչպես պետական, այնպես էլ կալվածատիրական հողերի վրա բնակվող գյուղացիներից նրանց ստացված բերքի 1/10-ի չափով: Ժամանակի ընթացքում, հատկապես XIX դարի երկրորդ կեսին և XX-ի սկզբին այդ չափը պետություն և աղաների կողմից մեծացվում էր: Կառավարությունը 1877—1878 թթ. ռուս-թուրքական պատերազմից հետո սկսեց մի կողմից մեծացնել աշարը, հավաքելով գյուղացիների բերքի 1/4-ը (Ալաավազում), 1/7-ը (Սասունում), 1/8-ը և այլն⁵, իսկ մյուս կողմից՝ նրա մի մասը (խոտը, բանջարաբոստանային մթերքները, մրգերը ու հատապտուղները) գանձել ջրամով: Ա—Դոն գրում էր, որ «տասանորդի տուրքը վերցվում է միմիայն հացահատիկներից: Իսկ մնացյալ բերքերից, ինչպես են խոտը, առվույտը, ծառապտուղները, խազողը, ծխախոտը և այլն, տասանորդը վերցնում է դրամով»⁶: Անշուշտ, գյուղացու համար, եթե նա դրամ ունենար, ավելի հեշտ էր տասանորդը տալ փողով, քան մթերքներով, բայց քանի որ նա չունի այն, ստիպված էր մթերքներն էժան վաճառել և վճարել այդ հարկը:

Արիսե-արաբ.—քոչվորական ցեղ կամ տոհմ: Արևմտյան Հայաստանում XIX դարում և XX-ի սկզբին կային մի շարք քրդական ու ասորական (գերազանցապես քրդական) ցեղեր ու տոհմեր, որոնք ապրում էին կիսաքոչվորական-կիսանստակյաց կյանքով և զբաղվում հիմնականում անասնապահությամբ: Նրանց մոտ ձևավորվել էին դասակարգային՝ ֆեոդալական հարաբերությունները, որոնք սքողված էին նահապետական կյանքի բազմաթիվ մնացուկներով: Ցեղապետներն օգտագործում էին այդ մնացուկներն իրենց սոցիալ-տնտեսական ու քաղաքական նպատակների համար: Նրանք ունեին իրենց զինվորական ուժը՝ ղուլամները, որոնք օգտագործում էին հակառակորդներից պաշտպանվելու, նորանոր հողեր ու գյուղեր նվաճելու, սուլթանական կառավարությանը ծառայելու կամ դիմագրավելու նպատակով:

Արաֆ կամ էրաֆ-արաբ.—պատվավոր, փառավոր, անվանի մարդ:

Ասֆյաբե ռաշ հաբ.—4. Սասունին նշում է, որ թուրքական բանակը մինչև 1908 թ. հագնում էր սև համազգեստ և այդ պատճառով հայերի ու քրդերի կողմից անվանվում էր ասֆյաբե ռաշ հաբ, այսինքն՝ սև զորք⁷: Սակայն այն կարող էր գործածվել նաև փոխաբերական իմաստով:

Ավադիգ կամ ավադիգ-ի դիվանիե-արաբ.—արտակարգ հարկ, որ օսմանյան կառավարությունը հավաքում էր գյուղացիներից հօգուտ պետական գանձարանի՝ պատերազմի կամ որևէ աղետի դեպքերում: Այն հավաքվում էր սուլթանի հատուկ կարգադրությամբ: Նրա գանձումը սկսվեց XV դարում,

⁴ Տե՛ս Մ. Բոժոլյան, Указ. соч., с. 28—32.

⁵ Տե՛ս Ա. Ս. Համբարյան, Աղբարային հարաբերությունները Արևմտյան Հայաստանում (1856—1914), Երևան, 1965, էջ 108.

⁶ Ա—Դ. Վանի, Բիթլիսի և էրզրումի վիլայեթները, Երևան, 1912, էջ 283.

⁷ Տե՛ս Ա. Ս. Համբարյան, նշվ. աշխ., էջ 57—64.

⁸ Կարո Սասունի, Քրդական ազգային շարժումները և հայ-քրդական հարաբերությունները, Պեյրուֆ, 1969, էջ 124.

պատերազմի առիթով, XVI դարի վերջին ընդունեց կանոնավոր բնույթ, տարևտարի մեծանալով, և վերացվեց XIX դարում, թանգիմաթից հետո⁹, բայց շուտով վերականգնվեց իսկ անունով (արաբ. օգնություն, նվեր): Կառավարությունը հայտարարում էր, թե այն ժամանակավոր է, բայց նշանակելիս այլևս չէր վերացնում, մինչև չէր հնարում մի նոր պատճառ: Այսպես, 1867 թ., Լրբ սուլթանը նախապատրաստվում էր արտասահմանյան ուղեորության, իսկ նշանակվեց մեկ տարով, բայց չվերացվեց մինչև որ 1877—1878 թթ. չսահմանվեց նոր իսկ նշանակում՝ ռուս-թուրքական պատերազմի առիթով, այս վերջինն էլ չվերացվեց, մինչև որ 1896 թ. չսահմանվեց մի նոր իսկ նշանակում ընդվզումները զսպելու պատրվակով¹⁰:

Արագ-ի մեթրուֆե-արաբ.—ըստ 1853 թ. հունիսի 6-ի օրենսգրքի, այս կարգի հողերի մեջ մտնում էին արոտավայրերը, անտառները, շուկաները, փողոցները, քարհանքերը, սրբավայրերը և այլն: Դրանցից կարող էին օգտվել բոլորը, բայց ոչ ոք իրավունք չուներ սեփականացնել¹¹:

Արագ-ի մեմլեֆեթ-արաբ.—պետական այն հողերն էին, որոնցից պարզ էր տրվում լեհենիկներին՝ դիմվորական ծառայության համար¹²:

Արագ-ի մեվաթ-արաբ.—այս հողերի մեջ հաշվվում էին գյուղից ոչ հեռու դաշտեր, լեռները, մացառուտներն ու ճահճները, ի տարբերություն արագ-ի մեթրուֆեթի, դրանք կարող էին անցնել անհատական օգտագործման տակ, իսկ մեթրուֆեթի մեջ դրանք կամ չորացնում ճահճները և այդպիսով մեթրուֆեթի դարձնում սեփական, իրավունք կունենար մեկ, իսկ մեթրուֆեթի դարձնում էր թափել, նաև երկու տարի օգտվելու այդ տարածությունից՝ առանց պետությանը որևէ տուրք վճարելու: Այնուհետև այն անցնում էր արագ-ի միլիտարի հողերի շարքը¹³:

Արագ-ի միլիտարի-արաբ.—պետական հողեր, որոնք բաղկացած էին գեղազանցապես վարելահողերից ու մարգագետիններից և տրվում էին բնակչության բոլոր խավերին հետևյալ կերպ. ցանկացողը դիմում էր նախնականին, մոտեմարիֆին կամ վալիին, որոնք իրենց ենթակա պաշտոնյաներին հանձնարարում էին հողամաս հատկացնել՝ որոշելով նրա սահմանները և պահույնը դրամարը՝ դրանցից համապատասխան մատչանում: Այնուհետև առաջարկվում էր դիմողին՝ պետական դրամարի մուծել որոշված դրամարը, որից հետո նրան տրվում էր կոշան, այսինքն՝ քիմիական փաստաթուղթ¹⁴:

Արագ-ի մեթրուֆեթ-արաբ.—արգելալ բառից, որ նշանակում է խնդրագիր, դիմում¹⁵, կային հատուկ մարդիկ, որոնք 5 ղուրուշով գյուղացիներին կամ քաղաքացիներին անունից դրում էին արգելալներ, այսինքն՝ դիմումներ ու խնդրագրեր օսմանյան իշխանություններին կամ դատարաններին¹⁶:

Արվալ-արաբ.—բարձրաստիճան պաշտոնյաներին մթերքով կամ դոմով տված ոռոգի, հատկացում, թոշակ¹⁷:

Բեռաբ-արաբ.—այդպես էին կոչվում այն փաղիշահական ֆերմանները, որոնք տրվում էին աստիճաններ, նշաններ կամ որոշ արտոնություններ, ինչպես նաև թիմարներն ու զեամեթներ շնորհելու մասին¹⁸:

Բուդ-ի հալա-արաբ.—տե՛ս նիյաբետ:

⁹ С. А. С. Т в с р и т н о в а. Указ. соч., с. 192.

¹⁰ Տե՛ս Ա. Ս. Համարայան. Նշվ. աշխ., էջ 111—112.

¹¹ Տե՛ս Նույն տեղում, էջ 50.

¹² Ф. И. П а б а н о в. Указ. соч., с. 197.

¹³ Տե՛ս Ա. Ս. Համարայան. Նշվ. աշխ., էջ 51.

¹⁴ Տե՛ս Նույն տեղում, էջ 51.

¹⁵ Турецко-русский словарь, с. 40.

¹⁶ Տե՛ս «Մշակ», 18 փետրվարի 1901.

¹⁷ Տե՛ս Թուրքական աղբյուրները ..., հ. Ա, էջ 352.

¹⁸ Նույն տեղում, հ. Բ, էջ 297.

Բախշիշ-արար.—ընծա, նվեր, ավատապետի մոծումը գանձարկղ՝ արշավանքներին մասնակցելու փոխարեն:

Բալլա կամ բակաին-արար.—մնացորդ, հարկերի ապառք, թերառք:

Բանա-պարսկ.—ֆեոդալական ռենտա, որ վճարում էր գյուղացին պետությանը կամ կալվածատիրոջը՝ իր ստացած բերքի 1/10-ից մինչև 1/3-ի չափով:

Բայգուշ կամ բայդուշ-թուրք.—բառացի բու, փոխաբերական իմաստով՝ ազքատ, առանց տոհմի ու ցեղի:

Բայրամլըֆ-արար.-թուրք.—տոնական նվիրատվություն՝ կալվածատիրոջը կամ պաշտոնյային:

Բաշլըֆ-թուրք.—գլխարկ, գլխի ծածկոց, կնգուղ, սաղավարտ, լշխանություն, ղեկավարություն, վարչություն, վերնագիր, խոյակ, սյունագյուղ¹⁹: Սակայն նշանակում է նաև գլխագին: Գոյություն ունենալով մահմեդականների մեջ, այն թափանցել էր նաև հայոց շրջաններում: 1860-ական թթ. կեսերին Ամենայն Հայոց կաթողիկոսը դիմեց յուր հոտին, որ հրաժարվի բաշլըֆից, նշելով, որ այն օտարամուտ է, անհարկ է հայկական վարքերին ու բարքերին: Բայց և այնպես հայերը մի շարք շրջաններում շարունակում էին տալ ու առնել գլխագին: Բողոքանովկայի շրջանի գյուղերից մեկում՝ Սաթխայում, պատմում էին, որ նորապսակ աղջիկը բողոքում էր դրա դեմ, ասելով՝ «հավասեցին հարբրնոցին, ինձի տվին գրկանոցին»: Բաշլըֆը կամ բաշլըքը կովկասահայոց կյանքից վերացվեց խորհրդային կարգերի հաստատումից հետո:

Բաշ—հին պարսկերեն բաժ, որ աղավաղվելով դարձել է բաշ: Նշանակում է հարկ, տուրք, մաքս²⁰: Այն ստանում էին սովորաբար աղաներն ու բեյերը գյուղացիներից, ինչպես նաև նրանց տարածություններով անցնողներից: Ս. Բդեյանը հուշագրում էր, որ 1880—1890-ական թթ. «Մուշեն ս. Կարապետ երթալը անկարելի էր, հարկ էր, որ մահմեդ Ալիին կաշառք, փաճ տրվեր, որպեսզի ան թույլ տար ուխտավորներուն կամ այցելուններուն այդ կողմերը երթալը»²¹:

Բեդել-ի ասկեր-ի-արար.—հարկ, որ վճարում էին ոչ-մահմեդականները զինվորական ծառայության փոխարեն: Նախկին խարաջին փոխարինելուց հետո (1856 թ.) բեդել-ի ասկերին հավաքվում էր 14—60 տարեկան հասակ ունեցող տղամարդկանցից: Բայց 1860-ական թթ. սկսեց հավաքվել նաև նորածիններից ու զառամյալ ծերերից, իսկ 80-ական թթ.՝ յուրաքանչյուր տղամարդուց ոչ թե 20, այլ 37 1/4 ղուրուշ: 1885 թ. սուլթանը Կ. Պոլսի պատերազմի խնդրանքով, որն ուզում էր մարել Երուսաղեմի պարտքերը (60 000 ոսկի), կարգադրեց ավելացնել հայերից գանձվող զինվորական տուրքը 3 ղուրուշով և հավաքել 40 1/4 ղուրուշ: Այդ վերադիրք թեև պահպանվելու էր մինչև 1887 թ., այսինքն 3 տարի, բայց Աբդուլ Համիդը հետագայում այն այդպես էլ թողեց և, շնայած ժողովրդի բաղձաթիվ բողոքներին, ոչինչ չգիշեց²²: 1909 թ. երիտթուրքերը պաշտոնապես վերացրին բեդել-ի ասկերին կամ զինվորական հարկը և քրիստոնյաներին մահմեդականների հետ հավասար զորակոչեցին, բայց շուտով սահմանեցին, որ քրիստոնյաները կարող են ազատվել զինվորական ծառայությունից, եթե 0,5 ոսկու փոխարեն վճարեն 30 ոսկի²³:

Բելիֆիաթ-արար.—դա աշարի հավաքման ժամանակ կատարվող այն չարաշահումն էր, որը գանձվում էր գյուղացիներից, պատճառաբանելով, թե իբր, աշարից կերել են մկները, ծտերը, միջատները, կենդանիները և իբր,

¹⁹ Турецко-русский словарь, с. 64.

²⁰ Տե՛ս Օսմանյան օրենքները..., էջ 129:

²¹ Մ. և Ս. Բգեյան. Հարազատ պատմություն Տարնո. Կահիրե, 1962, էջ 25:

²² Տե՛ս Ա. Ս. Համբարյան. Նշվ. աշխ., էջ 109—110:

²³ Տե՛ս «Մշակ», 2 օգոստոսի 1914:

տեղափոխման ժամանակ թափվել է ճանապարհին²⁴։ Այդ շարաշահումների շափերը տարրեր տեղեկում և տարբեր կապալառուների կողմից տարրեր էին լինում։

Բեկչի-թուրք.— դյուղի գիշերային պահապան²⁵։

Բեկ-թուրք.— տեր, հողատեր, ֆեոդալ, պետական պաշտոնյա։

Բեկլի-թուրք.— իշխանություն, մի բեկի իշխանության տակ գտնվող երկիր²⁶։

Բեշ-քրդերին.— մաս, բաժին²⁷։ Ֆեոդալական արդյունավետ բենտան էր, որ դյուղացիները իրենց բերքից հարկադրաբար տալիս էին աղային։ «Մշակի» թղթակիցը գրում էր. «Բեշը հանուն բեկի հողատիրական իրավունքների պահանջված ամենածանր տուրքն է»²⁸։ Աղաները բենտայի այդ տեսակը դեռ համարված կարող էին վաճառել միմյանց։ Նույն հեղինակը շարունակում է. «Բեշերիս Սասունի Աղբեկ դյուղի բեշը, որ պոլիկցի աշիրեթին էր պատկանում, ծախսելիս խանավթալի տան վրա 3000 դրուշի փոխարեն»։ Նա հարկ էր համարում նշել, որ Սասունում սերբեմն պատահում էր, որ բեշը մեկին էր պատկանում և աղութինը՝ մի ուրիշին, որը մեծ դժբախտությամբ է համարվում հարկատու ժողովրդի համար, որովհետև հողի և դրսի տերերը առանձին-առանձին պահանջում են դրեթե նույն հարկը, ինչ որ պահանջելու էր այդ երկու իրավունքների տերը, ի՞նչ մի անձ կամ մի ուրիշ աշիրեթ լինի։ Թղթակիցը ավելորդ չէր համարում թվարկել աղայի կողմից միևնույն գյուղացու բնտանիքից հավաքած բեշի ու աղութինի առարկաները. դարձանք նա հավաքում է դառ կամ ուլ, մածուն և թան, իսկ աշնանը՝ սորեն, յուղ, ուշար, չորթան, դուլպա, տրեխ, շալե շալվար և «ամենից հետո՝ փող»։ Այդ ամենի քանակը «կախված է տվողի կարողությունից և պահանջողի անխղճության չափից»²⁹։ Նա միաժամանակ նշում էր, որ երբ աղուն դնում էր դյուղ իր բեշը հավաքելու, բնակիչները պարտավոր էին մեկերկու օր լավ հուրատիրել նրան։

Բեպլեմե-արար.— բեպլեմեկ բայից, որ նշանակում է կերակրել, սնել, աճեցնել, մեծացնել, դաստիարակել, դուրդուրել, փայփայել³⁰։ Այն ծառայություններն էին, որոնք կատարում էր դյուղացին հօգուտ աղայի կամ բեյի։ «Բյուղեմեյլիսին» թղթակիցը Ալեքսանյանը գրում էր, որ Սևբաստիայի վրացիներում դյուղացին «հարուստին համար կբանի, կդատի, հետզհետե իր հողերն ալ աճող փոխանցելով, մինչև որ վաճառք, զավակոք ունոր մշտեն ու պեպլեմեն ըլլան»³¹։

Բեասալա.— դյուղատնտեսական սեզոնային մշակ։ Բենսեն (Սահակ Մովսիսյան) գրում էր. «Այն մշակները, որոնց ծառայության սկիզբը կսկսի քաղցից (հունձ) և կվերջանա կալ ու կուտի հետ՝ կկոչվեն բեասարա»³²։

Բեռդիլի Բյուդուլ-տրաբ.— իջևանի կամ օթևանի տուրք։ Թուրք պատմա-ղիր Ահմեդ Ռասիմը գրում էր, որ «բանակը կամ զորամասը մի օթևանում իջևանելիս, ձիերի կերը և բանակի կարիքները ապահովող և իջևանի էմիրն (սեյուդսուլ) կամ «հիլլի-էմիրն» անունը կրող պաշտոնյան տեղական ժողովրդից «ավարից» անունով հարկ էր առնում»³³։

²⁴ ՏՆՍ «Վոսկա», 1908, № 44։

²⁵ ՏՆՍ Ռուբեն. Հայ հեղափոխականի մը հիշատակները. հ. 4, Լոս Անջելես, 1952, էջ 366 (այսուհետև՝ ՀՀ)։

²⁶ ՏՆՍ Թուրքական աղբյուրները ..., հ. Ա, էջ 354։

²⁷ ՏՆՍ Курдско-русский словарь, сост. К. К. Курдосов. М., 1960, с. 87.

²⁸ «Մշակ», 24 հունվարի 1895։

²⁹ Նույն տեղում։

³⁰ Турецко-русский словарь, с. 73.

³¹ «Բյուղանդիլ», 29 հունիսի 1910։

³² Բենսեն. Բուլանդիս կամ Հարթ զավառ. Թիֆլիս, 1901, էջ 66։

³³ Թուրքական աղբյուրները..., հ. Բ, էջ 293։

Բընջուլ-քրդ.—տե՛ս ճյուղ:

Բոջ.—տե՛ս կառ:

Բուդ—ֆեոդալական ռենտայի տարատեսակներից մեկն էր: «Մշակի» թղթակիցը բուդ է անվանում այն, երբ գյուղացին պահում էր աղայի ոչխարը³⁴:

Բուլալթու-թուրք.—վերաբերում գրավոր հրամանը, կարգադրությունը, վճիռը (պաշտոնական թղթի վրա)³⁵: Բաֆֆին նշում էր, որ բուլալթուն թույլ-տվություն փաստաթուղթ էր, որ կապալառուն ստանում էր պետությունից՝ իր տրամադրության տակ ունենալու համար ոչ թե երկու, այլ այնքան զապ-թիներ, որքան ուզենա³⁶:

Գայե աղա-քրդ.—աղայի եզր: Արևմտյան Հայաստանի որոշ շրջաններում աղաներն ու բեյերը օգտվում էին իշենց իշխանության տակ ընկած գյուղերում առաջին գիշերվա իրավունքից: Նրանցից ոմանք դրա փոխարեն բնակիչներից ստանում էին եզ, կով, ոչխար, կամ այլ ունեցվածք: 1909 թ. «Բյուզանդիոն» թղթակիցը հաղորդում էր, որ Արճեշի Կտրածքար գյուղում Ալի աղան ստիպում էր իր իշխանության տակ ընկած հայ և քուրդ գյուղացիներին աղջիկ ամուսնացնելու վճարել իրեն սահմանված գայե աղա տուրքը, «հակառակ պարագային խոսեցյալ կույսը տունեն դուրս ելլելու, կամ ուրիշ դեղե մը նույն գյուղը բերելու կարգելն»³⁷:

Ս. Բարխուդարյանը նշում է, որ առաջին գիշերվա իրավունքը ձեռք է շատ հնուց և շատ ժողովուրդների՝ նույն և հայոց մեջ ... հետագայում փոխարինվել է նյութական այլ բարիքներով կամ դրամով և հաստատուն տուրքի բնույթ է ստացել: Այսպես շարունակում է, որ այդ իրավունքը «տարածված է հեղե աշխարհի բազմաթիվ ցեղերի և ժողովուրդների մեջ և խիստ ծաղկած էր միջնադարյան ֆեոդալական իրավունքում, և ընայած քրիստոնյա հոգևորականության պայքարին, այն պարփակված ընտանիքի և հարազատների նեղ շրջանի մեջ գոյատևում է մինչև XIX դարը»³⁸:

Գյուլմանեի հաթթը ջեթիֆ—Գյուլհանեի սրբազան հրովարտակ—կազմել է Օսմանյան կայսրության արտաքին գործերի մինիստր Մուստաֆա Ռեշիդ փաշայի կողմից և հանդիսավորությամբ հռչակվել 1839 թ. նոյեմբերի 3-ին Կ. Պոլսում, Գյուլհանեի այգում: Այն երաշխավորում էր կայսրության բոլոր քաղաքացիների (անկախ ազգությունից ու կրոնից) անձի ու գույքի անձեռնմխելիություն, հարկերի ու տուրքերի արդար բաշխում և հավաքում, վարձակալական սիստեմի (իթիզամ) վերացում, զինվորական ծառայության ժամկետի կրճատում, ֆինանսական, ոստիկանական, վարչական ու դատական բարենորոգումների կիրառում և այլն: Սակայն այդ ամենը մնաց թղթի վրա:

Գուլ և հոթթընթուդ—հայ.—սեզոնով վարձվող հոտաղների ժամկետներն էին: Գեղամ Տեր-Կարապետյանը գրում է, որ Մշո դաշտում հարուստները գարնանը հոտաղներ էին վաճում: Այդ երևույթը տեղացիներն անվանում էին գուլ: Պահում էին դրանց մինչև ուշ աշուն՝ «հիսնակաց պահքի», որուն կըսեն նաև հոթթընթուդի պահք»³⁹: Աճառյանը նշում է, որ գուլը նշանակում է թեթև տաքություն: Նա ապա շարունակում է, որ գուլը մի շարք այլ բովանդակությունների հետ միասին Մշո դաշտում նշանակում էր նաև սգարնանամուտ մարտի 20-ը, երբ տաքությունը կսկսի, և մշակները կվարձվեն

34 Տե՛ս «Մշակ», 2 փետրվարի 1908:

35 Турецко-русский словарь, с. 91.

36 Բ ա ֆ ֆ ի. Երկերի ժողովածու. հ. 3, Երևան, 1962, էջ 211:

37 «Բյուզանդիոն», 28 փետրվարի 1909:

38 Էջեր հայ ժողովրդի պատմության և բանասիրության (հոգվածների ժողովածու). Երեւան, 1971, էջ 91:

39 Գ ե զ ա մ Տ ե ր - Կ ար ա պ ե տ յ ա ն. Տարոնի աշխարհ, պատկերներ, պատմվածքներ. Փարիզ, 1931, էջ 40:

դյուղական զոհադաշտի աշխատանքների համար»⁴⁰։ Իսկ հիսնակաց պահքը կամ հորթբիթողն ընդգրկում էր նոյեմբերի 16-ից մինչև հոռնվարի 5-ը։

⁴⁰Կոմ.—տե՛ս նշումը։

⁴¹Խաղաղ-պարսկ.—Լոբբայր, Թուրքիայի արևելյան նահանգներում կամ Արեւմտեան Հայաստանում՝ դիմելու կամ կանչելու ձև, նշանակում է նաև կարիճ Իրիտասարդ, Հայկական պարբերականներում դադարը մեկնաբանվում է աարբեր կերպով «Մշակ» գրում է, որ «էրզրումում լոթի, սրիկա ան-ձերին անվանում էին «դադալ»⁴¹։ Իսկ «Երկրի ձայնը» ծանոթագրում էր-էրզրումում «սատաշեններ» Թուրք հասարակ ժողովրդին՝ հեղափոխականներին, որոնք երբ կտեսնեն որևէ ոսպիկան մը, կսկսեն հեզնոթյամբ աբհա-մարհանջով «հոփ, հոփ» բաղականչել»⁴²։

⁴²Ինքնընթաց.—հովտատեր, ֆեոդալ։ Դժվար է ասել, թե երբ է առաջացել միջնադարյան-ավատատիրական այդ ինստիտուտը։ Մասնագետները պահում են, որ XVII—XVIII դդ. այն արդեն առկա էր թե՛ ասիական, թե՛ եվրոպական և թե՛ աֆրիկյան Թուրքիայում։ Ազգությամբ դերբեքյանները Թուրքեր, բրդեր և արաբներ էին։ Նրանց հողերն ընդարձակ էին, իսկ իշխանությունը՝ հզոր։ Ունեին զինագնդեր, բազմաթիվ գյուղեր ու բյուրավոր դյուղացիներ։ Նրանք իբևնք էին կառավարում այդ ձպատակներին՝ իրենց դորձակալների միջոցով, վարում նրանց դատն ու դատաստանը։ Դերբեքյանները որքան հևու էին կենտրոնից, այնքան ուժեղ ու ինքնուրույն էին։ Նրանց տիրույթներն անցնում էին ժառանգաբար, թույլներ մտնում էին ուժեղներին։ Հովանավորություն տակ և պահում իրենց գոյությունը։ Անատոլիայում նշանավոր գերբեքյաններ էին Կոյա-Օսման-օղլուները (Այդընի, Սարուհանի շրջաններում), Չարան-օղլուները (Յողդատում, Կեսարիայում, Ամասիայում և Անկարայում), Հաջի Ալի փաշա-օղլուները (Տրապիզոնում), Կուշադալի Իլյաս-օղլուները (Մենթեշում) և այլն⁴³։ 1826 թ. սուլթան Մահմուդ II-ը՝ հենվելով նորաստեղծ կանոնավոր բանակի վրա, ոչնչացրեց հաև դերբեքյաններին։ Սակայն Օսմանյան կայսրության արևելյան մասում նրանց շունչն ու պահանջները ընդհատվեցին։ Բաֆթին գրում էր. «Տիգրանակերտի նահանգում մի քանի բռնակալ դերբեքյաններ սոսկալի հարստահարություններ են գործում։ Բարձր կառավարությունը ժողովրդի և պատրիարքարանի բողոքների համեմատ առանձին քննիչներ է ուղարկում։ Բռնակալ դերբեքյանների հանցանքները ստույգիով, նրանք Տիգրանակերտ են բերվում և նույն քաղաքում մըշտապես մնալու որոշում է լինում, բայց կառավարության քննիչը հեռացածին պես, բռնակալներն իրանց տեղն են դառնում և ավելի կատաղությամբ ոկոտում են առաջվա շարագործությունները շարունակել»⁴⁴։ Այնտեղ, որտեղ ոչնչացվում են դերբեքյանները, առաջանում են աղաներ, որոնք շարունակելով իրենց նախորդների վարքագիծը, աշխատավոր գյուղացիությանը պահում են միջնադարյան ֆեոդալական-ճորտատիրական ղեղանում։

Նրանք աշխատառեմ կամ դադալ—տե՛ս սեղնի։

⁴³Ինքնընթաց.—նոր դորք։ Այն ստեղծվել էր XIV դարում Մուրադ I սուլթանի հաղթանակով և արդեն Սկզբում այդ դորքը հավաքագրվում էր դերի պատանիներից, իսկ հետագայում քրիստոնյա բնակիչներից խլված երեխաներից, որ պատմության մեջ հայտնի է դեմիշիրմե (մանկահավաք) անունով։ Այդ երեխաներին Թուրք կառավարիչները դարձնում էին մահմեդականներ, դաստիարակում էին մահմեդական ֆանատիզմի ոգով և ուղղում

⁴⁰ Հր. Աճառյան. Գավառական բառարան.—Էմինյան ազգագրական ժողովածու, գիրք Ի, Թիֆլիս, 1913, էջ 247։

⁴¹ «Մշակ», 25 սեպտեմբերի 1890։

⁴² «Երկրի ձայն», 1907, № 1, էջ 14։

⁴³ Տե՛ս В. А. Гордлевский. Избранные сочинения. Т. III, 1962, с. 21—24։ Թուրքական աղբյուրներ..., հ. 7, էջ 233։

⁴⁴ Բաֆթի. Երկրի ժողովածու. հ. 9, Երևան, 1964, էջ 229։

քրիստոնյաների դեմ: Նրանք համարվում էին սուլթանի ստրուկները, ապարում էին ընդհանուր զորանոցներում, զրկված էին ամուսնանալու կամ տրնտեսություն վարելու իրավունքներից: Սակայն XVI—XVII դդ. ենիչերիները իրավունք են ստանում ընտանիք կազմել և զբաղվել արհեստներով ու առևտրով: Նրանք գործիք են դառնում հտազիմական ֆեոդալների ձեռքին, դիմագրավում են կենտրոնական իշխանությանը, մասնակցում պալատական հեղաշրջումներին և դաժանորեն թալանում բնակչությանը (դրա համար էլ ենիչերի փոխաբերական իմաստով նշանակում է վայրագ մարդ): 1826 թ. մայիսի 28-ին Մահմուդ II-ը հրաման արձակեց կանոնավոր բանակի ստեղծելու մասին: Ենիչերիները ընդգրկմացան և նույն թվականի հունիսի 14-ի լույս 15-ի գիշերը հավաքվելով մայրաքաղաքի հրապարակներից մեկում, սուլթանից պահանջեցին շեղյալ հայտարարել հրամանագիրը: Բայց Մահմուդ II-ը արդեն ուտեղծված կանոնավոր զորամասերի միջոցով ճնշեց նրանց ելույթը, մեկ օրվա ընթացքում սրի քաշելով 7 հազար, իսկ ըստ այլ վկայությունների՝ 16 հազար մարդ⁴⁵:

Զախմ-արաբ.—գեամեթ կոչվող լեհենային տիրույթի տեր⁴⁶:

Զապթիե-արաբ.—ժանդարմ, ոստիկան:

Զեամեթ-արաբ.—լեհենային տիրույթ՝ 20 000—99 999 աղա տարեկան եկամուտով⁴⁷:

Զեռուլի կամ Զըրդուե-պարսկ.—ոսկի, թուրք. դուլ—այսինքն՝ ստրուկ, գերի, զինվոր⁴⁸: Քուրդ աղաները իրենց իշխանության տակ ընկած հայերին անվանում էին «զիրխուրլի» այսինքն՝ ոսկով գնված: Նրանք այդ հայերին վաճառում ու գնում էին նրանց հողերի հետ միասին⁴⁹:

Զեֆյաթ-արաբ.—մզկիթի օգտին գանձվող հարկ, որ կազմում է եկամտի 1/40-րդը⁵⁰:

Զիմմի-տարաբ.—մահմեդական պետության հպատակ ոչ-մահմեդականները՝ հայերը, հրեաները, հույները և այլն:

Զումաթ-բրդ.—ամառանոց, յայլա, այսինքն՝ նույնն է ինչ զոզան, որ տարածված էր քրդերի մեջ: Սակայն այն կար նաև որոշ շրջանների հայերի մեջ: Մ. Միրախոբյանը գրում էր, որ «լասպուրականի մի շարք վայրերում «գյուղացիներեն շատ ոչխար ունեցողներն՝ դյուզեն 4—5 ժամ հեռավորության մի խոտավետ, լեռնաշատ կամ հարմար ձորամեջ մը կընտրեն յուրյանց համար և հոն կ'աւտորաստեն վրաններ, մի քանի տուն այսպես ի միասին կընակին և անդ կ'կթեն զոչխարս, անդ կ'պատրաստեն սեր և կարագ, յուղ և պանիր, ժածիկ և շորթան, գյուղացոց այս սովորությանը «զումա» անուն կտան, որ 2—3 ամիս կտևե և քրդաց մեջ ավելի ընդհանուր է»⁵¹:

Զուրաթա կամ զրաթա—ըստ Վ. Բդոյանի՝ անվարձ օգնություն: Հավանական է, որ սկզբնական շրջանում դա եղել է նահապետական կոոպերացիայի տարատեսակներից մեկը⁵²: Բայց ժամանակի ընթացքում, դասակարգային հարաբերությունների զարգացման հետևանքով երևի կերպարանափոխվել է, ընդունել հարկադիր բնույթ և դարձել աշխատավճար ունեւոր:

Զուլում-արաբ.—կեղեքում, անիրավություն, աղետ, չարիք: Այդպես էր քննութագրվում Օսմանյան կայսրության պատմության XIX դարի վերջի ու

⁴⁵ См. Советская историческая энциклопедия. Т. 16, М., 1976, с. 901—902.

⁴⁶ А. С. Тверитинова. Указ. соч., с. 201.

⁴⁷ См. Османская империя..., т. 2, с. 128.

⁴⁸ Турецко-русский словарь, с. 366, 689.

⁴⁹ М. Т. Боджоян. Указ. соч., с. 69.

⁵⁰ Ф. III, III абанов. Указ. соч., с. 199.

⁵¹ Մ. Միրախոբյան. Նկարագրական ուղեորություն ի հայաբնակ գավառ Արեւելյան Տաճկաստանի. Կոստանդնուպոլիս, 1884, էջ 193—194.

⁵² См. Վ. Զ. Բդոյան. Ծրկրագործության կոլտուրան Հայաստանում. հ. 2, Երևան, 1966, էջ 437 և 347.

XX դարի սկզբի շրջանը, երբ սուլթան Աբդուլ Համիդի կառավարությանը անասելի շահերի էր հասցրել աշխատավորների, հատկապես արևմտահայերի սոցիալ-տնտեսական և ազգային հալածանքները, բռնություններն ու հարստահարումները:

Էմանել-արար.— Կա՛հ տալ, իրը որևէ մեկի մոտ պա՛հ տալ, գրավ գնել, հավատարմագիր⁵³, Բայց էմանելը տարածվում էր նաև մարդկային ու ազգային հարաբերությունների վրա: Ս. Բդեյանն ասում էր, որ Հակոբ Սարկավադը Լճուս հայերին թողել էր քրդերի մոտ իբրև էմանելություն (գռավ)⁵⁴:

Էմիր-արար.— Կնդի առաջնորդ, ցեղապետ կամ երկրամասի կառավարի:

Էմլյա-արար.— տե՛ս մալիքյանե:

Էնումաք-տրար.— պարսկ.— անդլիական, դիվանագիտական ծառայող Վ. Բ. Հերդի լայատրությունը էնումաքը ղինվորական հարկի ընդհանուր հավաքումն էր. հարկը գանձվում էր բոլոր նրանցից, ովքեր մնացել էին դյուղում: Այն հավաքում էր Բիթլիսից էրզրում ընկած տարածքում⁵⁵:

Էվկաֆ-արար.— վակուֆի հոգնակին (տե՛ս):

Էրդադիե, րդադ-հունար.— ուսումնասիրողներից ոմանք ասում են, թե նույնն է, ինչ որ դուլլուդ, անգարիա, խըզմը⁵⁶, այսինքն հարկադիր աշխատանք: Այդ բացատրության հետ չի կարելի համաձայնվել, քանի որ ըրդադը պիտի մեկնարանել որպես ոչ միայն հարկադիր, այլև վարձու աշխատանք: Մինչև այսօր էլ Ախալքալաքի գյուղերի բնակիչները, որոնց նախնիները արտագաղթել են էրզրումի էյալեթից, 1829—1830 թթ., վարձու աշխատողի կարիք զդալիս, ասում են պետք է «ըրդադ բռնել», «ըրդադ պահել»:

Թանդիմաք-արար.— րարենորոգում, կարգավորում: Թանդիմաթ-խայ-րիյև՝ 1839 թ. սուլթան Աբդուլ-Մեջիդի իշխանության օրոք Ռեշիդ փաշայի նախաձեռնությամբ հրատարակված բարենորոգումների հրովարտակն էր, որ հայտնի է «Գյուլխանեի հաթթը շերիֆ» անունով⁵⁷: Թանդիմաթի երկրորդ փուլը սկսվում է Արևելյան պատերազմից հետո, երբ 1856 թ. փետրվարի 18-ին հրապարակվեց «հաթթ-ի հումայունը» («Բարձրագույն հրովարտակ») և ավարտվում 1870-ական թթ. առաջին կեսին, որից հետո սկսվում է ղուլումի շրջանը: Սակայն սուլթանների հրատարակած օրենքները ինչպես թանդիմաթի առաջին, այնպես էլ երկրորդ փուլերում հիմնականում չկենսադորձվեցին:

Թասֆեսիմ-արար.— անձնագրի տուրք:

Թալիսուն— Սա. Մալխասյանցը գրում էր, որ պարսկերեն կամ մոնղոլերեն է և նշանակում է «ազնվականություն, տիտղոս հոների մեջ: Հարկերից ազատ անձ: Ազնվական»⁵⁸, Իսկ Ս. Էսաձեն նշում է, որ այն ունի թուրքական ծագում և նշանակում է «ազատագրված»⁵⁹:

Թուփու.— արար.— 1. Կանխավաճառման գիր⁶⁰, 2. Հողատիրոջից (սլետու-թյունից կամ կոնֆիսկատիրոջից) ստացած հողի համար վճարում: 3. Հողա-

⁵³ Турецко-русский словарь, с. 170.

⁵⁴ Տե՛ս Ս. և Մ. Բդեյան. նշվ. աշխ., էջ 75:

⁵⁵ Տե՛ս ՀՀ ԿՊՊԱ, ֆ. 412, ց. 1, դ. 1979, թ. 13:

⁵⁶ А. С. Тв е р т и п о в а, Указ. соч., с. 220, Өсմәнյան օրենքները..., էջ 131:

⁵⁷ Տե՛ս Թուրքական աղբյուրներ..., հ. Ա, էջ 359:

⁵⁸ Սա. Մալխասյանց. Հայերեն բացատրական բառարան. հ. 2, էջ 87:

⁵⁹ С. Э с а д з е. Историческая записка об управлении Кавказом. Т. I, Тифлис, 1907, с. 616.

⁶⁰ Турецко-русский словарь, с. 586.

տիրոջից ստացած հողին տիրելու և նրանից օգտվելու իրավունք: 4. Փաստաթուղթ, որով գյուղացին ամրակցվում է հողին⁶¹:

Թագիր-արաբ.— գիմում, խնդրագիր: Թաքիր էին կոչվում բոլոր այն գրությունները, որոնք գյուղացիների, քաղաքացիների, պատրիարքարանի զանազան պաշտոնյաների կողմից ներկայացվում էին սուլթանին կամ Բարձրագույն դռանը:

Թեգֆեհ-արաբ.— հուշատետր, նամակ, գրավոր թույլտվություն, վկայական: Այդ փաստաթուղթը բեյլերբեյները ներկայացնում էին սուլթանին, որի մեջ նշում էին տվյալ անձնավորության իրավունքը՝ իրենց իշխանության տակ գտնվող թիմարի նկատմամբ: Այդ փաստաթղթի հիման վրա սուլթանն արձակում էր հրովարտակ՝ բերաթ:

Թեմբեյու-արաբ.— եկամուտ, վաստակ, օգուտ: Թեմեթյու վերգիսի— եկամտահարկ⁶²:

Թե-հայ. տե՛ս ճյուղ:

Թեաաակ-հայ. տե՛ս ճյուղ:

Թեբեհ-արաբ.— ժառանգություն:

Թեֆալիֆ-արաբ.— պետական օրենքներով կամ Շարիաթի սկզբունքներով նշանակված հարկեր⁶³:

Թիմար-արաբ.— ֆեոդալական լեհենային հողային տիրույթ, որի տարեկան եկամուտը կազմում է 99 999 աղչա: Այն պետության կողմից տրվում էր սիփահիններին, որոնք պահանջի դեպքում տալիս էին որոշակի թվով զինվորներ: Թիմարը պայմանական ավատական հողատիրություն էր, որը պայմանները չկատարելու դեպքում կարող էր վերցվել սիփահիններից: Թիմարի տերերը կոչվում էին թիմարլիներ:

Թոռուն-բրդ.— աղնվական: Թոռուն էին կոչվում գերազանցապես աշիրթական քրդերի վերնախավերը:

Իանե-տե՛ս ավառիզ կամ ավարիզի դիվանի:

Իբրա-արաբ.— պարտքից, պարտականությունից ազատում, ստորագիր անդորրագիր, տուգանքի հորինում⁶⁴:

Իլամ-արաբ.— դատական որոշում, ազդ, ժանադում, տեղեկացում:

Իլթիգամ-արաբ.— տե՛ս մյուլթեգիմ:

Իշարե-արաբ.— վարձակալում, վարձակալման վճար: «Աշխատանքը» գրում էր, Մոկսում քրդական Միրհասան սրբատեղին իր հողերը տալիս էր հայոց Ամենափրկիչ վանքին իջարայով կամ վարձակալությանը, «ստանալով տարեկան ութ շափ հացահատիկ»⁶⁵:

Իկոամ կամ Իֆրամ-արաբ.— լավ ընդունելություն, հյուրասիրում, զեղչում, զիջում: Թուրքիայում, ելնելով իսլամիզմի դոգմաներից, վաղխառուական տոկոս չէին վերցնում, բայց դրա փոխարեն գործածում էին իբրամը: «Բյուզանդիոնը» գրում էր. «Ըստ շերիի օրինաց, ֆայիզ (տոկոս—Ա. Հ.) առնելը հարամ է, ուստի անոր անունը փոխած է իբրամի, իսկ իբրամը եթե հարյուրին 90 իսկ ըլլա, հարամ չէ»⁶⁶:

Իսթիլա-արաբ.— ներխուժում, զավթում, նվաճում, օկուպացում: Վասպուրականում իսթիլա նշանակում էր պայման կնքել, «որով պարտատերը գրավում է պարտապանի կայքը, եթե վերջինս փողը չտա ժամանակին, համաձայնությունից է կախված իսթիլա անելը»⁶⁷:

⁶¹ А. С. Тверитинова. Указ. соч., с. 215. Ф. III. III абанов. Указ. соч., с. 201.

⁶² Турецко-русский словарь, с. 605.

⁶³ Թուրքական ազդյութները ..., հ. Ա, էջ 360:

⁶⁴ Турецко-русский словарь, с. 257.

⁶⁵ «Աշխատանք», 1913, № 14—110, էջ 3:

⁶⁶ «Բյուզանդիոն», 1912, № 4881:

⁶⁷ Վ. Փ ա ի ա ղ յ ա ն. Ծրկեր, հ. 2, էջ 234:

Իվլյուր-արար.—այդպես էր կոչվում մյուլթեզիմը կամ կապալառուն էրզրումի դավառում XIX դարի I քառորդում⁶⁸։

Լաֆնչ—այդպես էին կոչվում Մշո դաշտում բեկի մոտ բանող տղա մշակները⁶⁹։

Խաթթր-նուվայուն—տե՛ս թանգիմաթ։

Խալեհդան-արար.—մեծ գերդաստան, ցեղ, արքայական դինաստիա⁷⁰։ «Աշխատանքի» թվեակիցը երբեմն հիշատակում էր Վասպուրականի խանե-դանների կեղևեումների ու շարաշահումների մասին։

Խաս-արար.—բառացի՝ սեփական, հատուկ, առանձին, ոչ հասարակ, այլ բնորոշ դասին պատկանող։ Խաս էին կոչվում այն հոգերը, որոնք ոլտակառնում էին սուլթանին, նրա ընտանիքի անդամներին, վեզիրներին, բեյլբերկներին, սանշակբեյներին և նման անձանց։ Նրանք պարտավոր էին պատվանք անել արքային, որոշակի զինվորական ու քաղաքացիական ծառայություն, հակառակ դեպքում կղրկվեին իրենց խասերից։ Բեյլբերկների խասերը տալիս էին մինչև 1,5 միլիոն, իսկ սանշակբեյներինը՝ մինչև 500 հազար ակչայի եկամուտ⁷¹։

Խասա-արար.—թիմարի հողային տիրույթի այն մասը, որ գտնվում էր ֆեոդալի անձնական տնօրինության տակ և հանդիսանում էր նրա հայրենական կալվածքը։

Խաբաչ-արար.—ոչ իսլամ հպատակներից գանձվող զլխահարկ՝ զինվորական ծառայության փոխարեն։

Խաֆիր—ոմանք դրսևում են, թե առաջացել է արաբական քյաֆիր բառից⁷²։ Մյուսները կապում են վաշխառության հետ։ Այսպես, Գյուլտ քահանա Աղանյանը գրում է. «Խաֆիրություն—նշանակում է գրավատեր լինել, կալվածք վերցնում են գրավ և փող են փոխ տալիս, այդպիսով դառնում են խաֆիր-դրավատեր»⁷³։ Այդ տալիս է երկրորդ բացատրությունը, նշելով, թե խաֆիրություն նշանակում է «գրավատապետների դրած տուրքը ժողովրդի վրա»⁷⁴։

Մենք չենք կարող համաձայնվել այդ մեկնաբանությունների հետ, քանի որ խաֆիրության շահագործման ենթակա էին ոչ միայն քրիստոնյաները, ովքեր դեպքում հայերը, այլև մահմեդականները, գերազանցապես քրդերը, որովհետև խաֆիրությունը վաշխառության հետևանք չէր, և ժողովրդի վրա ավատատերերի դրած ամեն մի տուրք չի կարելի անվանել խաֆիրություն։

Մեր կարծիքով խաֆիրը կամ խաֆիրությունն առաջացել է արաբերեն խաֆիր կամ դաֆիր բառից, որ նշանակում է պահապան։ Դրա էությունն այն էր, որ մի դեպքում գյուղացիներն էին դիմում աղաներին կամ ցեղապետներին, խնդրելով պաշտպանություն կողմնակի հարձակումներից, պարտավոր-

68 Տե՛ս «Ռաների Հայաստանի արխիվներ», 1974, № 3, էջ 88։

69 Տե՛ս «Վտակ», 1908, № 3։

70 Տե՛ս Բուրբական աղբյուրները ..., հ. Ա, էջ 362։

71 Տե՛ս А. С. Тверткова. Указ. соч., с. 218.

72 Տե՛ս «Մշակ», 1913, № 97։

73 Դիվան հայոց պատմության. գ. ԺԳ, Թիֆլիս, 1915, էջ 550։

74 Նույն տեղում, էջ 555։

վելով որ կվճարեն դրա համար, մի այլ դեպքում աղաներն իրենք էին իրենց հայտարարում գյուղացիներին կողմնակի հարձակումներից պաշտպանողներ և այդ պաշտպանության համար ստիպում էին նրանց վճարել զանազան տուրքեր: Դա հիշեցնում է Արևմտյան Եվրոպայում IX դարի ճորտատիրական իրավունքի հաստատման ժամանակաշրջանի կոմենդացիան: Խաֆիրությունն անցնում էր երկու փուլ. առաջինում աղաները բավարարվում էին գյուղացիներից միայն հարկեր վերցնելով, իսկ երկրորդում տիրում էին գյուղացիների անձին ու գույքին և սաստկացնելով իրենց բռնությունները, դարձնում էին նրանց իրենց ճորտերը: Խաֆիրությունը տարածված էր կենտրոնական Սասունում, Խուսում, Խուլփում, Խիզանում, Շատախում, Բոնաշենում, Մամուտանքում և այլուր⁷⁶:

Խրզվրթ, ավելի ճիշտ ճիզվթ-արաբ.— ծառայություն (պետական, զինվորական, բարեկամական, ընկերական), իսկ մի շարք տեղերում՝ կոռ կամ աշխատավճար, ռենտա:

Խուլմս-արաբ.— ոչ մահմեդական բնակչությունից զանձվող եկամտահարկ, որ կոչվում էր «հնգամաս» (հինգերորդ մաս) և հավաքվում էր աշաքի հետ միասին⁷⁶:

Խուլմ բռնել— այս արտահայտությունը տարածված է Մոկսում և այլ տեղերում, իսկ էությունը կապալառուներին ծառայելն էր տասանորդի հավաքման ժամանակ: «Աշխատանքի» թղթակիցը այդ առիթով գրում էր, որ «մյուլթեզիմի մարդիկ կկանգնեն քաղված արտերու մեջ ու իրենց աղաքի իրավունքը եղող ծ-են մեկը անմիջապես կհավաքեն, որպեսզի գյուղացիք չզողանան»⁷⁷:

(Շարունակելի)

⁷⁶ Այդ մասին հանդամանորեն տե՛ս Ա. Ս. Համբարյան. Հայաստանի սոցիալ-տնտեսական հարաբերությունների համառոտ պատմություն (XIX դարի II կես—XX դարի սկիզբ). Երևան, 1983, էջ 45—47:

⁷⁶ А. С. Тверитинова. Указ. соч., с. 219.

⁷⁷ «Աշխատանք», 1912, էջ 8: